



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-45-2-1051/20

Datum, 27.05.2020. godine

OPĆINSKO VIJEĆE
ovdje

Izvještaj o radu i poslovanju JP RAD za 2019. godinu

Skupština JP "RAD" d.d. Tešanj razmatrala je Izvještaj o poslovanju za 2019. godinu i u skladu s odredbama člana 6. stav 2. Zakona o javnim preduzećima isti dostavlja Općinskom vijeću Tešanj. Izvještaj o poslovanju obuhvata:

1. Izvještaj o poslovanju preduzeća,
2. Finansijski izvještaj,
3. Izvještaj revizije,
4. Izvještaj odbora za reviziju,
5. Izvještaj o radu Nadzornog odbora,
6. Odluku Nadzornog odbora o usvajanju Izvještaja o poslovanju, i
7. Odluku Skupštine dioničara o usvajanju Izvještaja o poslovanju.

U skladu sa zaključcima Općinskog vijeća Tešanj, poslovna aktivnost JP "RAD" d.d. Tešanj, u toku 2019. godine trebala je biti usmjerena na slijedeće:

- smanjenje gubitaka vode u sistemu u narednih pet godina za 1% godišnje, uz implementaciju ciljeva iz Strategije za obezbjeđenje novih količina;
- zadržati trend za povećanje broja korisnika odvoza otpada;
- povećati količinu recikliranog otpada na 1% od ukupno prikupljenih količina, ili cca 80 t;
- na listi prioriteta JP "RAD" d.d. Tešanj treba da bude etapna zamjena azbestnih cijevi koje se nalaze u vodovodnom sistemu;
- imajući u vidu prisutan problem sa sudskom nagodbom iz 2008. godine, Nadzorni odbor preduzeća i Uprava će poduzeti sve potrebne mjere na sprječavanju mogućih negativnih posljedica koje bi mogle ugroziti likvidnost i stabilnost preduzeća i pripremiti Plan mjera i aktivnosti na sanaciji eventualnih posljedica (mjere štednje, racionalizacija troškova rada, kapitalni projekti itd), te o svemu izvijestiti Općinsko vijeće na jednoj od narednih sjednica.

Smjernice i zaključci Općinskog vijeća u okviru kojih je trebalo da se odvija poslovanje JP "RAD" d.d. Tešanj trebalo je ostvariti realizacijom slijedećih ciljeva:

- proširenje područja isporuke usluga (povećanje broja korisnika kroz preuzimanje na upravljanje novoizgrađenih vodovoda, kanalizacije,...);
- poboljšano operativno upravljanje (poboljšano očitavanje, fakturisanje i naplata);
- poboljšano upravljanje imovinom (investiciono održavanje vodnih objekata, definisanje statusa vodnog dobra, zamjena dotrajalih sredstava);
- poboljšano finansijsko upravljanje (pozitivno poslovanje, održavanje visokog stepena naplate, likvidnost preduzeća);
- poboljšanje organizacije i upravljanja ljudskim resursima;

- smanjenje neoprihodovane vode;
- izgradnja kapitalnih infrastrukturnih projekata (donošenje plana kapitalnih ulaganja i realizacija istog).

U toku 2019. godine kao jedan od ključnih indikatora uspješnosti u okviru realizacije PSA ugovora (Ugovor o vodnim uslugama potpisan između Općine i preduzeća) definisane su ciljne vrijednosti gubitaka/neoprihodovane vode u sistemu. Postavljeni cilj je iznosio 27 %, dok ostvareni rezultat od 24,95% predstavlja pozitivan pomak imajući u vidu starost vodovodne mreže. Imajući u vidu nedovoljne raspoložive količine vode Poslovnim planom preduzeća za narednih pet godina, kao i Strategijom razvoja Općine Tešanj, predviđeno je smanjenje gubitaka za 1% godišnje.

Tokom 2019. godine preduzeće je nastavilo aktivno informisanje javnosti o mogućnosti korištenja besplatnih kanti za otpad, te na promociji važnosti organizovanog prikupljanja i deponovanja otpada. Prikupljanjem i deponovanjem komunalnog otpada u 2019. godini obuhvaćeno je 8.226 korisnika (7.277 domaćinstva i 949 ostali korisnici) što predstavlja povećanje od 554 nova korisnika ili za 7% više nego prethodne godine. Osim toga tokom 2019. godine apliciranjem na javni poziv Ministarstva ZDK obezbjeđeno je 200 kanti za odvojeno prikupljanje otpada i 100 besplatnih kompostera za domaćinstva u cilju smanjenja biološki razgradivog otpada u ukupnim količinama otpada koji se transportuje na deponiju.

Realizujući smjernice Općinskog vijeća o količinama otpada na području općine Tešanj, dostavljeni su slijedeći podaci:

- u toku 2019. godine organizovano je prikupljeno i deponovano 9.324,38 tona mješanog komunalnog otpada što je 8.305 t otpada ili 12% više nego u prethodnoj godini;
- u toku 2019. godine na području Općine putem komunalnog preduzeća je prikupljeno 91,6 t sekundarnih sirovina odnosno otpada za reciklažu. U odnosu na ukupno prikupljene količine otpada (9.324,38 t) to čini 0,98% ukupno prikupljenih količina, pa se može zaključiti da je komunalno preduzeće realiziralo zaključak Općinskog vijeća;

I pored činjenice da su količine otpada za reciklažu male, potrebno je i dalje nastaviti sa aktivnostima i mjerama koje će omogućiti stalno povećanje količina otpada za reciklažu.

JP "RAD" je u cilju realizacije Zaključka o kontinuiranoj zamjeni azbestnih cijevi u 2019. godini izvršio rekonstrukciju cjevovoda u ulici Braće Kotorić u Jelahu (dionica od zgrade "Has-komerc" d.o.o. do samoposluge "AS" d.o.o.).

Slijedom zaključka Općinskog vijeća o potrebi poduzimanja mjera u cilju zaštite od negativnih posljedica sudske nagodbe iz 2008. godine, u "RAD"-u su pripremili Informaciju o svim značajnim pitanjima i aktivnostima koje Uprava i Nadzorni odbor poduzimaju po pitanju sudske nagodbe. Nakon razmatranja ove informacije Općinsko vijeće je 31.10.2019. godine usvojilo više zaključaka:

- Obavezuje se JP RAD da obezbjedi stabilno funkcionisanja preduzeća i pružanje komunalnih usluga;
- Prilikom narednog izvještaja o radu dati cjelokupnu sliku i plan izmirenja dugovanja po ovom pitanju;
- Krajnji korisnici ne smiju podnijeti teret plaćanja ovih potraživanja cijenama usluga ciljano zbog ovoga.

U skladu s tim u nastavku prezentiramo najnovije informacije vezane za ovu problematiku:

U toku 2019. godine preduzeće je sve obaveze proistekle po osnovu isplate zaostalog duga uspjelo izvršiti iz vlastitih sredstva, bez kreditnog zaduženja. Istovremeno je potrebno konstatovati da se to u protekloj godini nije negativno odrazilo na realizaciju planiranih investicija i bez povećanja cijena usluga. Razmatra se i opcija, u slučaju potrebe, da preduzeće pokuša obezbijediti finansiranje iz nekih drugih izvora. U svakom slučaju, preduzeće će kroz svoje redovne izvještaje nastaviti da redovno informiše o ovoj problematici, imajući u vidu donesene smjernice i zaključke Općinskog vijeća.

Pregled stanja i obaveza	Broj	Dug KM	Isplaćeno KM do 05.05.2020.	Ostatak duga KM	Napomena
Broj tužitelja iz 2007.	83	1.461.942,12	-	-	-
Broj uposlenika koji nisu pokrenuli zahtjev za izvršenje	3	55.717,77	-	-	-
Broj podnosioca zahtjeva za izvršenje	80	1.401.541,24	687.623,82	713.917,42	-
Troškovi advokata	80	46.482,91	42.270,91	4.212,00	-
Sporazum potpisalo	53	889.432,82	295.565,16	593.867,66	Kompletna isplata do 01.09.2024.
Sporazum nije potpisalo	27	465.625,51	349.787,75	115.837,76	Očekuje se kompletiranje u 2020.

Povećanje broja korisnika usluga kao jedan od postavljenih ciljeva realiziran je na slijedeći način: usluge vodosnadbijevanja pružane su za 8.070 korisnika što je u odnosu na 2018. godinu 248 korisnika više ili 3,17%. Tokom 2019. godine isporučeno je 1.371.026 m³ vode što je za 3,62% više nego u 2018. godini.

U distribuciji otpadnih voda tokom 2019. godine registrirano je 3.053 korisnika ili povećanje od 2,41% odnosno 72 nova priključka. U posmatranom periodu fakturisano je 600.869 m³ otpadne vode ili 2,56% više nego prethodne godine. Realizacijom projekta Općine Tešanj - izgradnja sistema za prikupljanje otpadnih voda i postrojenja za prečišćavanje otpadnih voda, očekuje se da će i broj korisnika u ovom segmentu rada JP "RAD" d.d. biti značajno povećan. Predstavници preduzeća su uključeni u realizaciju ovog projekta.

Realizujući svoje postavljene ciljeve JP "RAD" d.d. Tešanj u toku 2019. godine, ostvarilo je ukupne prihode u iznosu od 4.207.854 KM ili 4,8% više nego u prethodnoj godini.

Struktura poslovnih prihoda je slijedeća:

- prihodi od vode čine 36% ukupnih prihoda ili 1.520.165 KM;
- prihodi od zbrinjavanja otpada čine 32% ili 1.345.460 KM;
- prihodi od distribucije otpadnih voda čine 8% ukupnih prihoda ili 338.043 KM, itd.

U izvještajnom periodu ostvareni su ukupni rashodi u iznosu od 4.023.839 KM ili 5,6% više nego u prethodnoj godini, te bruto dobit preduzeća u iznosu od 184.015 KM i 1% je veća nego u prethodnoj godini.

U okviru sistema ISO 9001:2015 redovno, jednom godišnje provodi se anketiranje zadovoljstva korisnika usluga. Prosječna ocjena zadovoljstva korisnika u 2019. godini je 4,31 dok je u 2018. godini iznosila 4,26. U okviru upitnika korisnici usluga imaju mogućnost da daju primjedbe i sugestije koje se analiziraju i poduzimaju mjere za povećanje zadovoljstva korisnika. Rezultati ankete se objavljuju na web stranici preduzeća.

Na kraju 2019. godine preduzeće je zapošljavalo 93 radnika ili 2% manje nego u prethodnoj godini. Od ukupnog broja zaposlenih njih 15 je zaposleno na određeno vrijeme na sezonskim poslovima. Za sve prijeme provedena je propisana konkursna procedura.

Uposleni su u toku godine ostvarili prosječnu neto platu u iznosu od 941 KM ili 4% više nego prethodne godine, topli obrok po radniku isplaćen je na prošlogodišnjem nivou, u iznosu od 164 KM a regres u iznosu od 450 KM. Istovremeno je maksimalno isplaćena plata u firmi iznosila od 2.384 KM a najmanja 562 KM.

Potrebno je napomenuti da je preduzeće u toku 2019. godine investiralo 767.739 KM, a kao najznačajnije mogu se spomenuti rekonstrukcija dijela cjevovoda u ul. Braće Kotorić u Jelahu, izmještanje cjevovoda na mostu u Jelahu, saobraćajnica na deponiji te niz ulaganja u sanaciju i uređenje objekata firme.

U toku 2019. godine Nadzorni odbor preduzeća održao je ukupno 15 sjednica, na kojima su razmatrana pitanja iz nadležnosti Nadzornog odbora. O svom radu Nadzorni odbor redovno izvještava Općinskog načelnika i resornu Službu dostavom zapisnika o održanim sjednicama. Nadzorni odbor je mišljenja da je Izvještaj o poslovanju preduzeća za 2019. godinu realan te da je na analitičan način prikazao poslovanje preduzeća. Sjednice su održavane prema ukazanoj potrebi.

Zaključci i smjernice Općinskog vijeća Tešanj za JP „RAD“ u 2020. godini

1. Smanjenje gubitaka vode u sistemu u narednih pet godina, za 1% godišnje, uz implementaciju ciljeva iz Strategije za obezbjeđenje novih količina;
2. Unaprijediti infrastrukturu za prikupljanje i odvoz otpada te zadržati trend na povećanju broja korisnika kroz implementaciju Plana upravljanja otpadom općine Tešanj 2020-2024;
3. Intenzivirati aktivnosti na podizanju svijesti o važnosti pravilnog sakupljanja i odlaganja otpada, u cilju povećanja broja korisnika koji vrše razdvajanje otpada na mjestu sakupljanja, a sve u cilju povećanja količina recikliranog otpada (1% od ukupno prikupljenih količina);
4. Na listi prioriteta JP "RAD" d.d. Tešanj, i dalje treba da bude etapna zamjena azbestnih cijevi koje se nalaze u vodovodnom sistemu;
5. Nastaviti redovno, kroz godišnje izvještaje o poslovanju, informisati Općinsko vijeće o realizaciji sporazuma potpisanih po osnovu tužbi uposlenika.

Dostavljeno:

1. Općinsko vijeće Tešanj,
2. a/a



OPĆINSKI NAČELNIK

Mr.scj. Suad Huskić